



家繫太平御覽



13
403
28



太平御覽卷第一百六十一

州郡部七

十 漢河北道土

懷

孟

衛


相

洛



新金圖書

此係明治八年八月八日
冊山諸田一人
月山諸田一人
郎君以贈
所購以贈



元和郡縣圖曰懷州河內郡禹貢冀州之域覃懷之地周
為畿內及衛邗雍三國春秋時屬晉七國時屬韓魏二國
秦兼天下滅衛為三川郡之田賦列國對
禹貢曰覃懷底績至于衡漳
後漢書曰光武定河內而難其守問於鄧禹曰諸將誰可
使守河內者禹曰昔高祖任蕭何於關中無復西顧之憂

403
-8

今河內帶河為固戶口殷實北通上黨南迫洛陽寇恂文武備足非此子不可也乃拜恂為河內太守恂移書屬縣講兵肆射伐淇園之竹以為矢養馬收租以給軍

左傳曰周與鄭人蘇益生之田州陘隕懷州今河內縣

又曰襄王賜晉文公以陽樊温原攢茅之田晉於是始啓

南陽在晉山之南河內故田南陽

元和郡縣圖曰河內縣春秋野王邑也

左傳曰晉人執晏弱于野王

漢志曰武德縣屬河內始皇東巡自以武德定天下故名之也

十道志曰脩武本寧邑也

韓詩外傳曰武王伐紂勒兵於寧故曰脩武

韓非書曰秦昭王攻趙長平西伐脩武



漢書曰漢武帝將幸緱氏至汲縣之新中鄉得南越相呂嘉首因立為獲嘉縣

孟州

圖經曰孟州河陽郡禹貢冀豫二州之境則武王伐紂會

盟津是也周為畿內蘇忿生之邑後為晉邑

左傳曰晉侯召王以諸侯見且使王狩于河陽

不可以訓故書曰天王狩于河陽

北齊書曰神武使潘岳鎮北城又使高永樂守南城以備

西魏又東魏所築中潭城仍置河陽關故有河陽三城侯

使

冀州圖經曰河陽在河內郡南六十四里有宮有關

晉書曰潘岳才名冠世為眾所嫉出為河陽令

左傳隱三年曰鄭祭足帥師取溫之麥秋又取成周之禾

又僖十年狄滅温今河內温縣温子奔衛周襄王以地賜晉文

公書曰狄滅温衛州衛州在河內衛州在河內衛州在河內

元和郡縣圖曰衛州汲郡禹貢冀州之域後為殷都衛縣

北界朝歌是也戰國時屬魏秦屬河東郡漢為汲縣地

地理志曰河內殷之舊都周既滅殷分其畿內為三國詩

風邶庸衛是也邶以封紂子武庚鄘管叔尹之衛蔡叔尹

之以監殷人謂之三監

史記曰周旦以成王命興師殺武庚祿父殺管叔放蔡叔

以殷餘民封康叔為衛君居河淇之間故曰商墟

漢志曰朝歌屬河內紂所都周武王弟康叔所封更名衛

王莽曰雅歌

劉子曰邑號朝歌墨子迴車

後漢書曰虞詡為朝歌令多盜連年不解親舊多勞吊之

曰得朝歌何衰也詡笑曰難者不避易者必從臣之節也

詡謂河內太守馬稜稜曰君儒者乃在朝歌甚為君憂之

謂曰賊犬羊相聚以求飽暖耳去敖倉不過百里不知取

以為糧青冀流民不知掠以為眾守其阨塞此為斷天下

之右臂也今則不然此無大計之効也詡悉平之

春秋後序曰太康五年吳寇始平余自江陵還襄陽解甲

休兵乃申予舊意修成春秋釋例及經傳集解始訖會汲

郡汲縣有發其界內舊塚者得古書皆簡編科斗文字發

塚者不以為意往往散亂科斗書久廢推尋不能盡通始

者藏在祕府余晚得見之

劉澄之山川古今記曰黎陽國也詩曰黎侯寓于衛是也

相州

元和郡縣圖曰相州鄴郡禹貢冀州之域春秋時地屬晉
戰國時屬魏魏文侯使西門豹守鄴是也秦併天下為邯
鄲上黨二郡之地漢高帝分置魏郡治鄴尚書曰河亶甲
居相
後魏書曰道武幸鄴訪立州名尚書崔光對曰昔河亶甲
居相宜曰相州道武從之
漢志曰魏郡領鄴館陶斥丘等一十八縣
後魏書曰文帝太和十八年下遷都經鄴登銅雀臺御史
崔光等曰鄴城平原千里漕運四通有西門史起舊迹可
以饒富在德不在險請都之孝文曰君知其一未知其二
鄴城非長久之地石虎傾於前慕容滅於後國富主奢暴
成速敗且西有枉人山東有列人縣北有柏人城君子不
飲盜泉惡其名也遂止

魏書曰黃武二年以魏郡東部為陽平郡西部為廣平郡
廣平陽平魏平三郡為三魏也
圖經曰安陽紂都也在淇洹二水之間本殷墟所謂北冢
是也
戰國策曰紂昔聚兵百萬左飲淇水使竭右飲洹水不流
晉書載記曰石勒諸將佐議欲都鄴將攻三臺張賓進曰
三臺險固攻守未可卒下於是進據襄國
漢志曰內黃屬魏郡春秋吳子晉侯會于黃池令黃澤在
西陳留有外黃故加內云
十道志曰洛州廣平郡屬禹貢冀州之域春秋時為赤狄
之地後屬晉
左傳晉荀林父敗赤狄于曲梁是七國時屬趙秦併天下

為邯鄲郡漢初置廣平國

禹貢曰覃懷底績至于衡漳衡漳在肥鄉縣

左傳曰公會單頃公及諸侯同盟于雞澤杜注云雞澤在

廣平曲梁縣

漢志廣平國領縣十六武帝征和二年改為平于國宣帝

復故王莽曰富昌富昌在平于國界今黃縣

十道志曰洛水縣本漢斥漳縣也

漢志曰以其國斥鹵故云斥漳

又曰曲周屬廣平國莽曰直周曲水對縣合水不流

圖經曰邯鄲單盡也邯山名謂邯山之盡所也

十道志曰邢州鉅鹿郡禹貢冀州之域秦併天下於此置

信都縣屬鉅鹿郡

信都縣屬鉅鹿郡

左傳曰凡蔣邢茅周公之胤也

又成公二年楚大夫申公奔晉晉以為邢大夫東陽晉之

廣平○郡國志邢州尚書坊東平地周百餘步其所鳴響

人馬行上轟轟有聲掘之即火出○十三州志曰鉅鹿唐

虞時大麓之地尚書堯試舜百揆納于大麓麓則林之大

者堯之禪舜欲使天下皆見之故合群臣與百姓納之大

麓之野然後授以明己禪也

張耳傳曰高祖從平城還過趙趙王自上食禮甚卑高祖

箕踞趙相貫高等乃壁人柏人要之上過宿心動問縣名

為何曰柏人上曰柏人者迫於人也不宿而去柏人今堯山縣

冀州

十道志曰冀州信都郡

元和郡縣圖曰春秋時屬晉七國時屬趙在秦屬鉅鹿郡

李公緒趙記曰趙孝成王造壇臺之宮爲趙都朝諸侯故曰信都

史記曰秦時有客說張耳曰兩君羈旅難以獨立立趙後扶以義可以就功乃求趙歇立爲趙王居信都

漢書曰項羽分趙立張耳爲常山王居信都改曰襄國

晉書曰張賓說石勒曰襄國因山憑險實形勢之國可都之遂都於此

晉書曰初童謠云古在左月在右讓去言或入口古在左月在右胡字也讓去言爲襄也或入口爲國也尋爲石勒所都

後漢書曰王郎僭號河北悉應光武自蘇南行至下博惶惑不知所之有白頭父在道傍指曰努力信都爲長安守光武即馳赴信都太守任光開門出迎

魏志曰韓馥爲冀州牧公孫瓚欲襲之表紹使高幹諷馥令以冀州讓紹馥素懼因然其計馥長史耿武諫曰冀州雖鄙帶甲百萬穀支十年表紹孤客窮軍譬如嬰兒在股掌之上絕其乳哺立可餓殺奈何以州與之馥不從以州與紹

盧植冀州風土記曰冀州聖賢之泉藪帝王之舊地十三州志曰冀州之地古京也人患剽悍故語曰仕官不偶值冀部

後漢書曰王郎起光武自薊南馳及至南宮遇大風雨光武引車入道傍空舍馮異抱薪鄧禹爇火光武對竈燎衣異進麥飯兔肩

魏志曰太祖拔鄴領冀州牧或說太祖宜復古置九州冀州所制者廣天下服矣太祖將從之荀彧曰若是則冀州

當得河東馮翊扶風西河幽并之地所奪者衆今分冀州將皆動心一旦生變天下未易圖也公從之

趙州

元和郡縣圖曰趙州趙郡禹貢冀州之域春秋時屬晉戰國時屬趙秦爲邯鄲郡平棘縣地又趙國兩漢及魏以封建子弟

趙記云女子盛飾冶容習絲竹長袖傾絕諸侯

左傳曰帥及齊師衛孔圉及鮮虞伐晉取棘蒲即今平棘縣也

史記蘇秦說趙曰當今之時山東之建國莫強於趙趙地方二千里西有常山南有漳河東有清河北有燕

漢志曰元氏屬常山縣王莽曰井關亭趙公子元之封邑

故曰元氏

後漢書曰光武北征彭寵陰后從行生明帝於元氏傳舍

章帝幸元氏祠光武顯宗於縣舍又祠顯宗於始生堂皆奏樂用新詩復元氏租

十道志曰高邑縣趙房子之邑竹書紀年作魴子漢以爲

鄗鄗音大後漢復改爲高邑

後漢書曰光武至鄗群臣請即帝位於是設壇場於鄗南

千秋高亭五成陌今趙州柏鄉縣

鎮州

十道志曰鎮州常山郡本風之國故其於林公不詳因效

元和郡縣圖曰禹貢冀州之域周爲并州地春秋時爲鮮

虞國戰國時屬趙秦兼天下爲鉅鹿郡

十三州志曰眞定本名東垣以河東有垣故此加東耳

漢書曰高帝時代相陳豨反使趙利守東垣上自攻之不

下卒罵帝帝怒增兵急攻城斬罵者改曰眞定

漢志曰井陘屬常山郡
穆天子傳曰天子獵于劔山注曰燕趙謂山脊為劔即今井陘是

史記曰秦始皇十七年攻趙王翦下井陘

元和郡縣圖曰靈壽縣本中山國都也

十三州志曰中山武公本周之同姓其後桓公不恤國政
晉太史餘見周王王問之諸侯孰先亡對曰中山之俗以晝為夜以臣觀之中山其先亡乎其後魏樂羊為文侯將拔中山封之靈壽

戰國策曰九門縣本有九室而居趙武靈王改為九門縣
史記曰趙惠王三十八年藺相如城九門大城

定州

十道志曰定州博陵郡禹貢冀州之域虞舜十二州蓋并

州之域春秋時鮮虞白狄之國後改為中山國
張曜中山記曰郡理中山以其城中有山故謂之中山又云郡治中人城

漢志曰盧奴縣屬中山國盧水出焉

圖經曰安喜縣即古盧奴縣也有黑水故池深而不流俗謂黑水為盧不流為奴

漢書外戚傳曰宣帝母王夫人微時與父泣別於柳宿城
在豐義縣

十道志曰唐縣本春秋時鮮虞邑也漢為唐縣地

漢志曰唐縣屬中山國王莽曰和親故堯國也為唐侯邑
於此堯山在唐東北望都界孟康曰晉荀吳伐鮮虞入中
人今中人亭是

應劭風俗通曰中人城北四十里有左人亭鮮虞故邑

亭即唐縣也

漢書曰望都屬中山國莽曰順調堯山在北堯母慶都山在南登堯山見都山故以為名東曰晉書堯山在順調縣圖經曰涇邑縣本七國時中山國之苦涇縣也史記曰李克為中山相苦涇之吏上計入多於前克曰苦涇上無山林之饒下無藪澤牛馬之息而入多於前是擾亂吾民也於是免之

十道志曰鼓城縣春秋鼓子之邑漢下曲陽之地

春秋左氏傳曰晉荀吳圍鼓以鼓子鳶鞮歸鉅鹿下曲陽有鼓聚

十三州志曰中山有上曲陽故加下耳

圖經曰北平縣本秦曲逆縣之地屬中山國

漢書曰高祖北征還過曲逆上其城望室甚大曰壯哉縣吾行天下獨見雒陽與是耳於是封陳平為曲逆侯

後漢書曰章帝北巡北岳以曲逆名不善改為蒲陰

瀛州

十道志曰瀛州河間郡禹貢冀州之域舜十二州為并州之墳春秋時屬燕國秦併天下為河間郡漢為河間國郡國志曰瀛州以地帶滄海物產滋瀛故以名之又云以瀛海為名

漢志曰河間國領縣四樂成侯井武隧弓高王莽曰朔定應劭曰在兩河之間

漢書曰武帝時望氣者云西北有女極貴遂訪之於河間得鉤弋夫人

十道志曰博野縣本漢蠡吾縣地

十三州志曰太初元年蠡吾侯志入繼孝質是為孝桓帝追尊其父蠡吾侯翼為孝崇皇帝陵曰博陵因改為博野

縣

漢志曰高陽縣屬涿郡王莽曰高亭以其在高河之陽故曰高陽

漢志曰東平舒屬渤海郡以代郡有舒故此加東也即平舒縣

太平御覽卷第一百六十一

[Faded bleed-through text from the reverse side of the page]

太平御覽卷第一百六十一

州郡部八

河北道中

魏

博

莫

深

易

幽

順

歸

順

涿

燕

檀

媯

平

營

德

棣

滄

山

具

魏州

元和郡縣圖志曰魏州魏郡禹貢兗冀二州之域在夏卽觀扈之國春秋時爲晉地戰國時爲衛魏二國之地秦滅魏置東郡滅趙置邯鄲郡漢以秦邯鄲之南部東郡之邊縣置魏郡後漢封曹操爲魏王治鄴

史記曰邯鄲亦漳河之間一都會也北通燕涿南有鄆衛

俗與趙相類然近梁魯重義而務節
 漢書曰邯鄲土廣俗雜大率精急高氣勢輕為姦漢初分
 邯鄲之南部置魏郡
 漢志曰魏郡王莽曰魏成領鄴館陶等十八縣又曰元城
 屬魏郡魏武侯公子元食邑於此因而氏焉
 後漢書曰曹操為魏公操分魏郡為東西部置都尉
 元和郡縣志曰元城縣有沙麓山即春秋經所書沙麓崩
 後為漢元后與之象也

博州

元和郡縣志曰博州博平郡禹貢兗州之域春秋時齊之
 西界聊攝地也戰國時為齊地秦漢為東郡地
 左傳齊晏子對景公曰聊攝以東其為人也多矣
 史記曰齊田單攻聊城歲餘士卒多死而聊不下魯仲連

為書約之矢以遺城中燕將得魯連書泣三日猶與不能
 決乃自殺

史記曰齊威王伐晉至博陵徐廣注曰東郡之博平也

莫州

十道志曰莫州大安郡其地歷代所屬與瀛州同唐景雲
 二年分瀛州置

漢志曰鄭縣屬涿郡王莽曰言符

郡國志曰鄭縣有易京城後漢末公孫瓚築京以自固圍
 塹十重以鐵為門諸將家家作樓以千計並高五六丈為
 表紹所攻城樓皆陷沒

圖經曰清苑縣本漢樂鄉縣也

漢志曰樂鄉屬信都王莽曰樂丘

史記曰漢高祖過趙問樂毅有後乎對曰有樂臣叔遂封

樂叔于此
後漢書曰獻帝初公孫瓚據幽州先是有童謠曰燕南垂
趙北際中間不合大如礪唯有此中可避世瓚以易地當
之乃築京以自固也

深州

元和郡縣圖曰深州饒陽郡禹貢冀州之域七國時為趙
地秦為鉅鹿郡地漢為饒陽縣隋置深州以州西故深城
為名也

漢志曰饒陽屬涿郡在饒河之陽故名之

又曰安平屬涿郡王莽曰廣望亭漢書高帝六年封鄂干
秋為安平侯

後漢書曰王郎起光武自薊東南馳晨夜草舍舍止至饒
陽無蔓力朱切亭時天寒烈眾皆飢疲馮異上豆粥明日光

武謂諸將曰昨作公孫豆粥飢寒俱解公孫異字

易州

十道志曰易州上谷郡禹貢冀州之域虞舜分冀州立并
州則為并州之地春秋時燕趙之分秦併天下為上谷郡
地漢置涿郡今州即涿郡之故安地也

又曰易縣本漢故安縣也漢志曰故安屬涿郡漢書曰文
帝封申屠嘉為故安侯

九州記曰易縣西南三十里有送荆徑即荆軻入秦之路
也

河北記曰易縣前五公城王潭不從王莽潭子興生五子
避隱於此世祖並封為侯

十道志曰涑水縣本漢遼縣也
漢志曰遵屬涿郡莽曰適屏

漢書年表曰景帝封匈奴降王隱強為遁侯

又曰容城屬涿郡莽曰深澤

十道志曰遂城戰國時武遂縣漢之北新城

史記曰趙悼襄王二年李牧將攻燕拔武遂

漢志曰北新城屬中山國莽曰朔平土地十三州志曰河
間有新城故此加北

幽州

十道志曰幽州范陽郡禹貢冀州之域虞舜十二州為幽
州夏殷省併冀周復置幽州秦為漁陽上谷等五郡漢高
分上谷置涿郡武帝十三州為幽州
釋名曰幽州北幽昧之地故曰幽州
晉地道記曰幽州因幽都以為名
山海經曰北荒有幽都之山

爾雅曰北方之美者幽都之筋角焉

晉地道記曰舜以冀州南北廣大分燕北地為幽州

漢志曰漁陽郡屬幽州莽曰通路

史記曰顓頊都於帝丘其地北至幽陵

又曰周武王之滅紂封召公於北燕世本曰居北燕宋忠曰有南燕故曰北

郡國志曰箕星散為幽州分為燕國其氣躁急通齊趙渤

海之閒一都會也

史記曰燕秦于樹栗與封侯等士馬所生有魚鹽桑棗之

利

後漢書曰公孫瓚破劉虞盡有幽州之地

三國典略曰東魏薛琡嘗夢山上掛絲以告所善張亮曰

山上絲幽字也君必為幽州後果如之

禮記曰武王克商封黃帝之後於蓟

史記曰鄒子之燕昭王擁篲前驅請為弟子受業築碣石宮以處鄒子親往師之
又曰昭王謂郭隗曰願得賢士以身事之隗曰王必欲致士先從隗始況賢於隗者豈遠千里哉於是昭王為隗改築宮而師事之樂毅自魏往鄒衍自齊往劇辛自趙往士爭歸燕

漢志曰安次縣屬渤海郡又續漢志曰安次屬漁陽郡

圖經曰武清縣本漢之雍奴縣也

酈元注水經曰雍奴藪澤之名四面有水曰雍不流曰奴魏志曰張郃傳曰從擊譚於渤海別將圖雍奴大破之

順州

方輿志曰順州順義郡在范陽郡唐天寶初置又改為順義歸化二郡亦曰思順州

歸順州

方輿志曰歸順州其地乃燕之北境燕太子丹使荆軻獻地圖即謂此也即元順州之北境唐天寶初以置歸化順義二郡同領懷柔一縣復又立歸順州以理焉

涿州

圖經曰涿州涿郡古涿鹿之地舜十二州為幽州地禹貢為冀州之域春秋戰國為燕國之涿邑漢高帝置涿郡史記曰黃帝與蚩尤戰於涿鹿之野

漢志曰涿郡高帝置莽曰垣輸屬幽州領縣二十九

薊州

圖經曰薊州漁陽郡禹貢冀州之域春秋及戰國時屬燕秦時於此置漁陽郡二漢因之

又曰漁陽縣本北無終子國也有無終山城

春秋左氏傳曰莊十三年齊人伐山戎杜預注曰山戎北狄無終三名其實一也漢志曰無終屬右北平故無終子國也

燕州

釋名曰燕宛也在涿鹿山南宛宛然以名之春秋說題辭曰箕尾為燕陰氣侵生故俗云貪利地宜粟史記蘇秦說燕文侯曰燕東有朝鮮遼東北有林胡樓煩西有雲中九原南有呼沱易水地方二千里帶甲數十萬南有碣石鴈門之饒北有棗栗之利民不佃作而足於棗栗矣此所謂天府也又貨殖傳曰燕秦千樹栗以比封侯

檀州

十道志曰檀州密雲郡禹貢冀州之域春秋戰國時並為

燕地秦為漁陽郡在漢領白檀等十二縣

又日本漢虜奚縣漁陽屬郡

漢志曰虜奚屬漁陽莽曰敦德虜音

又曰燕東有漁陽郡

漢書曰漢李廣弭節白檀

魏書曰曹公越北塞歷白檀破烏丸於柳城

續漢書曰白檀縣即右北平

媯州

十道志曰媯州媯川郡禹貢冀州之域舜暨周為幽州之域春秋戰國並屬燕國秦併天下為上谷郡為潘縣也

漢志曰燕西有上谷郡

又曰上谷郡秦置莽曰朔調屬州領縣十五

又曰潘縣屬上谷郡莽曰樹武潘音普半反

晉太康地理志曰潘縣更屬廣寧郡

史記曰軒轅黃帝戰於阪泉之野

十道志曰阪泉在懷戎縣

周書曰黃帝殺蚩尤於中冀名曰絕轡之亦其地

史記曰燕築長城自造陽至襄平造陽即媯州之地名也

平州

十道志曰平州北平郡禹貢冀州之域舜十二州為營州

之墳周為幽州之地春秋時為山戎孤竹白狄肥子二國

地秦兼天下為遼西郡肥如縣地

漢志曰肥如屬遼西郡肥子奔燕燕封於此

管子曰齊桓公北征山戎至孤竹至卑耳之溪見一人長

八尺具衣冠右袂衣走馬前桓公問於管仲對曰山之神

有俞兒霸王之君興則前導袂衣示前有水右袂衣右方

涉至卑耳之溪從左方涉其深至膝已涉桓公拜曰仲父之聖至此

魏志曰曹公北征烏丸田疇自盧龍道引軍出盧龍塞塹

山堙谷五百餘里經白檀歷平岡登白狼望柳城道今在

盧龍縣

營州

十道志曰營州柳城郡禹貢冀州之域其在十二州為營

州地周為幽州春秋為山戎之地戰國時屬燕秦漢為遼

西郡

郡國志曰地當營室故曰營州

漢志曰遼西郡秦置屬幽州領縣十四

後漢書曰遼西郡即烏丸鮮卑蹋頓所居○十六國春秋

慕容皝傳曰柳城之北龍山之南所為福德之地也可營

制規模築龍城構宮室改柳城為龍城縣遂都之改曰和龍宮
後漢輿地記曰舜分齊營州之域燕西置營丘郡於其城內今柳城縣有營丘城

德州

元和郡縣志曰德州平原郡禹貢兗州之域春秋戰國時齊地秦兼天下為齊郡地漢分齊郡置平原郡
漢志曰平原郡高帝置王莽曰河平領縣十九
十道志曰滄縣本漢條縣也景帝封周亞夫為條侯後改為滄

漢志曰脩縣屬信都莽曰脩治

元和郡縣志曰安德縣有鬲津枯河禹貢九河之一
漢志曰鬲縣屬平原王莽曰河平

棣州

元和郡縣志曰棣州樂安郡禹貢青州之域又曰兗州之域春秋時為齊地秦併天下為齊郡漢為平原渤海千乘三郡地

左氏傳曰錫我先君履東至于海西至于河南至于穆陵北至于無棣

十道志曰厭次本漢富平縣
漢志曰富平侯國屬平原郡王莽曰樂安亭後漢明帝改為厭次

漢書東方朔傳曰朔平原厭次人也

十道志曰清河縣本漢勅縣也勅音加

漢志曰勅屬平原郡莽曰張鄉

十道志曰蒲臺本漢濕沃縣也

漢志曰濕沃屬千乘郡莽曰延亭
三齊記曰蒲臺高十八尺始皇所頓虬臺下縈蒲繫馬今
蒲猶縈也

滄州

十道志曰滄州景城郡禹貢兗州之域虞舜及周為幽州
之域春秋時屬齊晉七國時屬齊趙秦併天下以齊地置
齊郡以趙地置鉅鹿郡漢高帝分鉅鹿置渤海郡分齊郡
置平原郡

漢志曰渤海郡高帝置莽曰迎河在渤海之濱因以為名
圖經曰渤海實滄州之地屬趙分居多

漢書曰趙分地薄人眾丈夫相遇游戲悲歌慷慨起則推
剽掘塚作姦巧多弄物為倡優
十三州志曰渤海風俗驚戾高氣力輕姦兇

十道志曰清池縣漢之浮陽縣也

漢志曰浮陽屬渤海郡莽曰浮城

十三州志曰浮陽浮水所出東入海

漢書曰宣帝時渤海飢盜賊起龔遂單車入境平之後勸
叛者賣劍買牛民皆知勸

漢志曰千童縣靈帝改曰饒安屬渤海郡

又曰樂陵縣屬平原郡莽曰美陽

貝州

元和郡縣志曰貝州清河郡禹貢兗州之域春秋時屬晉
七國時屬趙秦兼天下以為鉅鹿郡漢又分置清河郡

十道志曰周武建德六年平齊於此置貝州以貝丘為名

左氏傳曰齊襄公田于貝丘

漢志曰清河郡高帝置王莽曰平河屬冀州領縣十四

圖經曰清河縣秦為厝縣厝音趙漢為信城縣

漢志曰厝屬清河郡王莽曰厝治安帝以孝德皇帝葬于

厝改曰甘陵

十道志曰武城趙邑東武城也

史記曰趙平原君勝封東武城

元和郡縣志曰夏津縣本漢鄒音縣也

漢志曰鄒屬清河郡王莽曰善陸

漢書曰高后封呂他為鄒侯

太平御覽卷第一百六十二

太平御覽卷第一百六十三

州郡部九

河北道下

蒲梁公絳

晉

澤

潞

遼 寶少 沁 隰 慈 在 食 汾

不 成 漳 并 土 和 水 石 隰 不 嵐 晉 代 帝 其 斫 山 嶺

蔚 朔 雲

蒲州

十道志曰蒲州河東郡置在河東縣本漢蒲坂地本堯舜

所都

左傳曰晉獻公滅魏以賜畢萬服虔注曰在晉之蒲坂

史記曰季布為河東太守文帝謂布曰河東吾股肱郡也

博物志曰河東有山澤近鹽沃土之人不才漢興少有名

人

魏志杜幾傳曰幾為河東太守開置學官親執經教郡中
 化之自後河東多儒者閭閻之間習於程法
 春秋左氏傳曰晉人謀去故絳諸大夫皆曰必居郇瑕
 氏之地郇瑕故國名河東沃饒而近鹽鹽池是國利君
 樂不可失也韓獻子曰不可郇瑕氏土薄水淺其惡易觀
 易觀則民愁民愁墊音隘於是乎有沉溺重腿直偽之疾
 不如新田土厚水深居之不疾有汾澮以流其惡夫山澤
 林鹽國之寶也國饒則民驕伏近寶則公室乃貧近寶則民不務
 本不可謂樂公說從之
 郡國志曰猗氏縣猗頓所居之地猗頓魯窮士也問術於
 陶朱公公教之畜五牴遂富漢因之名縣
 史記曰魏都安邑惠王三十一年秦用商君東侵地至河

而齊趙數破我我安邑近秦於是徙居大梁

漢志曰河東郡秦置莽曰兆陽領縣二十四

又曰蒲坂故曰蒲秦更名莽曰蒲城應劭曰秦始皇東巡

見長坂故因加坂孟康云晉文公以賂秦後秦人還蒲魏

人喜曰蒲反矣遂名之師古曰應說是

絳州

元和郡縣志曰絳州絳郡禹貢冀州之域春秋時屬晉戰

國時為魏地秦三十六郡為河東郡

後漢書曰章帝元和三年行幸安邑觀鹽池

晉太康地志曰安邑有司鹽都尉別領兵五千

圖經曰晉穆侯遷都於絳曾孫孝侯改絳為翼翼為晉之

舊都後獻公復為絳絳在今曲沃故城二里有絳邑故城

是故絳在翼城東南有故翼城是也

十道志曰正平縣有九原一名九京卽趙簡子觀處禮記曰趙文子與叔譽觀于九原文子曰死者如可作也吾誰與歸叔譽曰其陽處父乎文子曰行並植於晉國不沒其身其知不足稱也其舅犯乎文子曰見利不顧其君其仁不足稱也我則隨武子乎利其君不忘其身謀其身不遺其友

漢書曰元鼎六年幸緄氏至此聞南越破遂立爲聞喜縣圖經曰聞喜縣有董澤左傳曰董澤之蒲可勝既乎

晉州

元和郡縣志曰晉州平陽郡禹貢冀州之域堯舜所都周爲冀州地春秋時其地屬晉戰國時屬韓秦爲河東郡地十道志曰本漢平陽縣地漢志曰平陽縣屬河東郡以其在平水之陽故名之

前趙錄曰太史令言於元海曰蒲子崎嶇非可久安平陽唐堯所都於是徙居平陽也

兩河記曰洪洞縣以此地固重複控據要險故曰洪洞焉漢志曰襄陵屬河東郡王莽曰幹昌以晉襄公之陵以爲名

十道志曰霍邑漢魏縣也漢志曰魏屬河東郡周厲所奔也王莽曰黃城

澤州

元和郡縣志曰澤州高平郡禹貢冀州之域春秋時屬晉戰國時屬韓魏後屬韓秦兼天下今州卽上黨郡高都縣之地也

史記曰秦使武安君白起攻趙發兵拒秦秦大破趙於長平長平在高平縣西北有長平故城

十道志曰澤州以漢澤為名

漢志曰漢屬河東郡禹貢析城山在其西南漢音胡號反

墨子曰舜漁於漢澤

十道志曰晉城縣本漢高都縣也

漢志曰高都屬上黨郡有天井關

元和郡縣志曰高平縣本漢涇氏縣也涇音胡亥反

漢志曰涇氏屬上黨涇水所出也

竹書紀年曰梁惠王九年晉取涇氏

史記曰趙成侯十六年與韓魏分晉對晉君子端氏也

潞州

元和郡縣志曰潞州上黨郡禹貢冀州之域殷為黎國春秋時屬晉又兼有潞子之國秦為上黨郡地

左傳宣十五年曰潞子嬰兒之夫人晉景公之姊也酆舒

為政而殺之又傷潞子之目酆舒晉侯伐之滅潞酆舒奔

衛衛人歸諸晉晉人殺之

戰國策曰秦有安邑則韓必無上黨以遠韓近趙故卒歸

趙

隋圖經曰上黨南陽古以為縣實都也

漢志曰上黨郡秦置屬并州有上黨關

又曰壺關屬上黨郡黎侯國今有黎亭

釋名曰上黨黨所也在山上其所最高故曰上黨

上黨記曰高平赤壤其地山阻百姓不居即此郡也

圖經曰後周建德七年於襄垣縣立潞州以其浸汾潞為

名

漢志曰長子縣屬上黨郡周史辛甲所封師古曰長讀長

短之長

竹書紀年曰梁惠王十二年鄭取屯留向子即長子之地也
 左傳襄十九年曰晉人執衛行人石買于長子執孫蒯于
 屯留長子屬
 又曰鄭伯如晉晉人執諸銅鞮
 晉太康地記曰銅鞮故晉大夫羊舌赤邑時號赤為銅鞮
 伯華漢以為縣

遼州

圖經曰遼州樂平郡禹貢冀州之域春秋時其地屬晉戰
 國屬韓後屬趙秦漢為上黨郡貞觀中避諱改為儀州後
 又為箕州復為遼州
 十道志曰和順縣本漢沾縣地即韓闕與邑
 史記曰秦昭襄王三十八年攻趙闕與趙奢曰其道遠險

扼譬如兩鼠鬪於穴中將勇者勝乃使趙奢將大破秦軍
 乃解闕與之圍

漢書高帝記曰韓信破代相夏說於闕與

漢志曰沾縣屬上黨郡有沾水出壺關沾音他兼反

沁州

十道志曰沁干浸切州陽城郡本漢穀遠縣地
 元和郡縣志曰禹貢冀州之域春秋時其地屬晉戰國時
 屬韓在秦為上黨郡地今州即漢上黨之穀遠屬地
 漢志曰穀遠屬上黨郡王莽曰穀近
 晉地記穀遠今名孤遠後代語訛耳
 十道志曰綿上縣亦穀遠縣之地以縣西有綿上地因名
 之舊屬介休縣隋分置綿上焉蓋晉介推之地

隰州

圖經曰隰州大寧郡夏殷已前是地與箕沁同在周為晉之北鄙

元和郡縣志曰禹貢冀州之域春秋時為晉地七國時屬魏秦為河東郡地漢為蒲子縣屬河東郡

國語曰驪姬謂晉獻公曰蒲與屈君之疆也不可以無主若太子主曲沃二子主蒲與屈乃可以威民而懼戎

太子申生也二子重耳夷吾也蒲陽平蒲子縣郡國志曰隰州前二里有泉下濕故取下濕之義為名

十道志曰永和縣本漢狐讞縣也漢志曰狐讞屬河東郡讞音之涉反慈州元和郡縣志曰慈州文成郡禹貢冀州之域春秋時晉之屈邑獻公子夷吾所居也秦併天下即河東郡之北屈縣

漢志曰北屈王莽曰朕北應劭曰有南屈故稱北瓚曰汲郡古文翟章救鄭次于南屈

左傳僖二年曰晉荀息請以屈產之乘與垂棘之璧假道於虞以伐虢屈地生良馬

元和郡縣圖曰吉昌縣有姚襄城西臨黃河控帶龍門孟門之險周齊交爭之地齊後主武平二年遣斛律明月破周兵於此城下

郡國縣道記曰呂香本洪之北屈有騏縣漢志曰騏屬河東郡侯國

汾州

十道志曰汾州西河郡禹貢冀州之域其在虞夏及周屬并州春秋時晉地六國時屬趙秦併天下屬太原郡

左傳昭元年曰昔金天氏有裔子曰昧為玄冥師生允格

六下甲覽

臺駘臺駘能業其官宣汾洮障大澤汾洮為地以處太原太原晉陽

也帝用嘉之封諸汾川

又曰昔高辛氏有二子長曰閼伯次曰實沉居于曠林不

相能也后帝不臧遷閼伯于商丘主辰商人是因遷實沉

于大夏主參唐人是因大夏今晉陽縣其季世曰唐叔虞及成王

滅唐而封太叔焉故參為晉星叔虞封唐是為晉侯

又昭二年曰齊陳無宇送女晉侯謂之少齊謂陳無宇非

卿執諸中都中都晉邑在

又僖二十四年曰晉侯賞從亡者介之推不言祿祿亦弗

及遂隱而死晉侯求之不獲以緜上為之田曰以志吾過

且旌善人

元和郡縣志日子夏居西河吳起守西河皆為此也

禮記檀弓曰子夏喪其子而喪其明曾子吊之子夏哭曰

夫子爾罪一也

唐書曰高祖初起兵師次霍邑隋將宋金剛拒不得進屯

軍賈胡堡會霖神語曰若向霍邑當東南傍山取路八日

雨止我當助破之賈胡堡在靈石縣

元和郡縣圖志曰并州太原府禹貢冀州之域春秋時晉

國戰國時為趙地秦併天下置太原郡

尚書禹貢曰既脩太原至于岳陽

春秋元命苞曰并之為言精合交并

釋名曰并者兼并也言或并或設

元和郡縣志曰中國曰太原夷狄曰大鹵按晉大鹵太原

并州

并州

并州

并州

并州

并州

并州

并州

并州

并州

大夏夏墟晉陽太康六名其實一也

左傳曰晉荀吳敗狄於大鹵釋名曰地不生物曰鹵

太康地記曰并州不以衡水為號不以恒山為稱而云并者蓋以在兩谷之間乎

帝王世紀曰帝堯始封於唐又徙晉陽及為天子都平陽平陽即今晉陽即太原也

又曰禹自安邑都晉陽至桀徙都安邑至周成王以封弟叔虞是為晉侯

史記曰成王與叔虞戲削桐葉為珪曰以是封汝周公請封於唐王曰吾戲耳周公曰天子無戲言遂以封之

魏志曰高祖圍表尚於鄴時表紹外生高幹為并州刺史牽招說幹曰并州左有恒山之險右有大河之固北阻強胡宜速迎尚併力觀變幹不從故敗

史記曰智伯率韓魏攻趙襄子于晉陽引汾水灌其城不沒者三板

春秋後語曰張孟談謂趙襄子曰董安于之在晉陽公官之垣皆荻蒿

隋圖經曰并州其氣勇抗誠信韓趙魏謂之三晉剽反悍盜賊常為他郡劇

漢志曰太原郡秦置有鹽官在晉陽屬并州領縣二十一又曰榆次屬太原郡王莽曰太原亭

史記秦本紀曰莊襄王使蒙敖攻趙榆次漢志曰陽曲屬太原應劭曰黃河千里一曲當其陽故曰陽曲

元和郡縣志曰石州昌化郡禹貢冀州之域虞及周屬并

州春秋時屬趙亦為白狄之地在秦為西河郡之離石地

史記曰秦伐趙取離石

前趙錄曰今離石左國單于所徙庭是

十六國春秋曰晉惠帝以劉元海為離石將兵都尉

嵐州

元和郡縣志曰嵐州樓煩郡禹貢冀州之域春秋時為晉國後屬趙本樓煩故地秦為太原郡漢為太原郡之汾陽地

史記曰趙惠文王主父行地遂出伐西遇樓煩王於西河而破其兵取其地為縣

漢志曰汾陽屬太原郡汾水所出

漢書項羽傳曰漢有善射者曰樓煩楚挑戰樓煩輒射殺之使射羽羽大怒瞋目叱之樓煩目不能視手不能發

樓煩

縣屬鴈門此縣入善騎射

莊子曰堯治天下之民平海內之政往見四子藐姑射之山汾水之陽窅然喪其天下

代州

元和郡縣圖曰代州鴈門郡古并州之域春秋時晉地戰

國時屬趙秦置三十六郡鴈門是其一焉漢因之

河東記曰代句注在州西北鴈門界西陘山是也

史記曰趙襄子與韓魏共滅智伯分晉地則趙有句注之

山

爾雅曰北陵西踰鴈門是也

郭璞注曰西踰鴈門山

地理志曰自傍陰山至高關代王以為塞

漢志曰鴈門郡秦置句注山在陰館王莽曰填狄屬并州

領縣十四

山海經曰鴈門出其間在高柳代中
史記曰趙襄子與代王會於夏屋以銅斗擊殺代王而取
其地

十道志曰五臺縣本漢慮虜縣

漢志曰慮虜屬太原郡師古曰慮虜音慮夷

又曰崞縣屬鴈門王莽曰崞張

又曰繁時屬鴈門王莽曰當要

忻州

元和郡縣志曰忻州定襄郡古并州之域春秋時為晉國
戰國時為趙地秦漢為太原郡地今州即漢太原郡之陽
曲縣也

十道志曰忻州置在秀容縣本漢曲陽縣後漢末於此置
九原縣

十三州志曰漢末大亂匈奴侵邊自定襄已西盡雲中鴈
門之間遂空建安中丞相曹公集荒郡之戶以為縣聚之
九原界以立新興郡領九原等縣屬并州
元和郡縣志曰秀容城劉元海新築元海感神而生姿容
秀美因以為名

蔚州

元和郡縣志曰蔚州安邊郡禹貢冀州之域虞及周屬并
州春秋時地屬晉戰國時屬趙秦漢為代郡

漢志曰靈丘屬代郡瓚曰靈丘之號在趙武靈王之前也

漢書曰酈食其說漢王曰杜白馬之津距飛狐之口

晉書曰建興中劉琨自代出飛狐口奔於安次

朔州

元和郡縣志曰朔州馬邑郡屬禹貢冀州之域虞及周為

并州地春秋時爲北狄地戰國時屬趙秦爲鴈門郡漢爲鴈門郡之馬邑也

漢志曰馬邑屬鴈門郡王莽曰章昭

晉太康地記曰秦時建此城輒崩不成有馬周旋馳走反覆父老異之因依以築城遂爲馬邑

後魏書曰道武天興元年遷都平城孝文遷都之後於此置朔州

冀州圖云趙武靈王胡服而征遂有獫狁之地漢高帝以韓王信壯武乃以太原郡爲韓國徙信以備胡信以晉陽去塞遠請理馬邑上乃許之後匈奴圍信信數求救上賜書責信信懼以馬邑降胡

雲州

元和郡縣圖曰雲州雲中郡禹貢冀州之域虞及周爲并

州之域春秋時爲北狄地戰國時其地屬趙其後屬秦鴈門郡地漢鴈門郡之平城縣也

漢志曰平城東部都尉治王莽曰平順

郡國志曰雲中五原唾出口成冰言苦寒也

漢書曰七年上自將擊韓王信于銅鞮縣名信亡走匈奴與

匈奴共距漢上從晉陽連戰乘勝逐北遂至平城爲匈奴

所圍七日用陳平秘計得出

元和郡縣圖曰後魏道武於此建都東至上谷西至河南南至中山北至五原地方五千里以爲甸服孝文改爲司州牧置代尹

太平御覽卷第一百六十三

此處為正文內容，因字跡模糊，難以辨認。依稀可見一些零散字句，如“山北至正”、“武將”、“武將”等。

太平御覽卷第一百六十四

州郡部十

關西道

雍

華

同

岐

耀

乾

隴

邠

涇

寧

慶

原

靈

鹽

廊

坊

延

丹

綏

銀

麟

夏

豐

勝

銀

雍州

尚書禹貢曰黑水西河惟雍州厥土惟黃壤厥田惟上上
厥賦中下田第一賦第六人功少厥貢惟球琳珎珎球琳皆玉名珎珎石而似珠
文耀鉤日岐華已北龍門積石南至三危雍州也
春秋說題辭曰秦金精堅故秦俗亦堅

春秋元命苞曰雍雍也東距穀坂西有漢中南含高山北阻居庸是

釋名曰雍州在西山之內壅翳也

應劭注漢書曰四面積高曰壅

李巡注爾雅曰河西其氣蔽壅也

晉太康地志曰雍州西北之位陽所不及陰氣壅遏故以

為名

呂氏春秋曰西方為壅州

三輔黃圖曰始皇表河以為秦東門表汧以為秦西川

地理通說曰東自同華略河西北西自岐隴會原極于北

盡其地挾灃灃據函嶠方千里得百二之固

史記蘇秦說秦惠王曰秦四塞之國被山帶河外有洪河

之險西有漢中巴蜀北有代馬之利此天府也

又曰獻公徙居櫟陽孝公用商鞅作咸陽築翼闕徙都之貨殖傳曰關中汧雍以東至河華膏壤沃野千里自虞夏之貢以為上田

漢書曰秦形勝之國也帶河阻山縣隔千里持戟百萬秦

得百二焉言秦地險固二萬人地勢便利以其下兵於諸

侯譬猶居高屋之上建瓴水也瓴盛水瓶也居高屋之上而播瓴水言其向下之勢

也易

又婁敬說高祖曰陛下都洛陽豈欲與周室比隆哉周之

都洛以為天下之中四方納貢道里均有德則易以王無

德則易以亡今陛下欲比隆成康之時為不侔矣且秦地

被山帶河四塞以為固卒然有變急百萬之眾可具秦固

膏腴之地以為天府陛下入關而都之山東雖亂秦故地

可全而有也夫與人鬪不搯其吭而拊其背未能全勝今

陸下入關而都之此亦搃天下之吭而拊其背也高祖以問群臣群臣皆山東人爭言周王數百年秦二世而亡高祖疑未能決及留侯明言入關便即日車駕西都關中又百官表曰內史周官秦因之掌治京師景帝二年分置左內史右內史太初元年更爲京兆尹又東方朔曰三輔之地南有江淮北有河渭汧瀧以東商雒以西厥壤肥饒此所謂天府陸海之地也後漢書曰董卓徙都長安謂陳紀曰三輔平敞四面險固土地肥美號曰陸海三輔黃圖曰太初元年以渭城以西屬右扶風長安以東屬京兆尹長陵以北屬左馮翊以輔京師謂之三輔關中記曰秦西以隴關爲限東以函谷爲界二關之間謂之中地地東西方千餘里

十道志曰雍州京兆郡禹貢九州之一舜置十二牧雍亦在焉周武王都鄴鎬平王東遷以岐鄠之地賜秦孝公始都咸陽秦兼天下置內史以領關中項籍滅秦分其地爲三以章邯爲雍王都廢丘司馬欣爲塞王都櫟陽董翳爲翟王都高奴謂之三秦高祖入關定三秦復爲內史武帝改爲京兆尹東漢平帝改爲京兆尹

十道志曰華州華陰郡置在鄭縣禹貢雍州之域元和郡縣圖曰周爲畿內之國鄭桓公始封之岳其地一名咸林春秋時爲秦晉地戰國爲秦魏二國之境西岳華山在焉秦爲內史地漢爲京兆尹東漢山南曰西華國語曰鄭桓公爲周司徒食棗咸林也左傳曰晉侯許賂秦伯以河外列城五南及華山

史記曰秦武公十一年初縣北鄭
 漢志曰鄭屬京兆尹周宣王弟鄭桓公邑師古曰幽王既
 敗鄭桓公死之其子武公與平王東遷也爾雅曰河西華
 西南之美者有華山之金玉焉
 魏志曰董卓遷都長安華歆求出為下邳令
 史記曰秦始皇三十六年東遊海上遣使關中至平舒道
 有人持璧遮使者曰為我遺鑄池君事具璧門
 水經曰渭水東經平舒城即江神返璧於華陰平舒道遺
 鑄池君之處也
 尚書泰誓曰歸馬于華山之陽放牛于桃林之野
 左傳曰晉使詹嘉處瑕以守桃林之塞杜曰今華陰東潼關是也
 元和郡縣志曰同州馮翊郡禹貢雍州之域春秋時屬秦

本大荔戎國秦獲之更名曰臨晉七國時屬魏秦併天下
 京兆馮翊扶風並內史之地漢為河上郡復為內史武帝
 更名左馮翊魏但為馮翊郡後魏改同州以尚書云澧水
 攸同故名之也
 十道志曰漢王定三秦關中置三郡以塞國為河上郡後
 罷三郡以為內史武帝改為左馮翊
 應劭漢官解詁曰馮輔翊蕃故以為名
 水經曰洛水東南經沙阜北其阜東西八十里南北三十
 里俗名沙苑
 史記曰魏文侯十六年伐秦築臨晉
 十六國春秋曰符健時河渭溢蒲津監寇登得一履於河
 中長七尺健歎曰覆載之內何所不有
 穆天子傳曰陽紉之山河伯馮夷之所都

漢志曰臨晉縣有河水祠又郊祀志祠河於臨晉

博物志曰馮夷華陰人得道水仙為河伯

左傳曰秦晉戰于彭衙注曰馮翊郃陽縣西北有衙城

又曰秦伐晉晉使呂相絕秦曰俘我王官翦我羈馬羈馬今在郃陽王官今在澄城

郃陽王官今在澄城

漢書曰宣帝微時嘗困於蓮勺鹵中如淳曰為人所辱也

蓮勺有鹽池名曰鹵中又漢志曰屬馮翊蓮音輦勺音酌

漢志曰郃陽屬左馮翊在郃水之陽即大雅大明之詩曰

在郃之陽

岐州

元和郡縣圖曰岐州扶風郡今為鳳翔府禹貢雍州之域春秋戰國時為秦都屬內史高帝更名中地郡復屬內史景帝更名主爵都尉武帝改名扶風所以扶助京師行風

化也

史記曰秦文公作鄜時靈公作吳陽上時又作下時今郡內有三時原

又曰始皇二十九年巡隴西北地出笄頭山過回中回中在扶風郡

漢書曰文帝十四年匈奴入蕭關殺北地都尉燒回中宮

侯騎至雍

水經曰郿縣有積石原魏青龍二年諸葛亮出斜谷與司

馬宣王屯渭南郭淮筭亮必爭北原遂先據之亮至果不

得上又魏氏春秋曰亮據渭南宣王謂諸將曰亮若出武

功依山東轉是其勇也若西上五丈原即諸君无事矣亮

果屯北原五丈原亦在郿

國語曰周之興也鸞鸞鳴于岐山今岐山縣是

國語曰周之興也鸞鸞鳴于岐山今岐山縣是

國語曰周之興也鸞鸞鳴于岐山今岐山縣是

國語曰周之興也鸞鸞鳴于岐山今岐山縣是

國語曰周之興也鸞鸞鳴于岐山今岐山縣是

五

三秦記曰陳倉山上有石鷄與山雞不別趙高燒山雞飛去而石雞不去晨鳴山頭聲聞三十里或云玉雞

耀州

五代史曰耀州本京兆府華原縣唐末李茂貞據鳳翔僭行墨制建爲耀州以義勝爲軍額命溫韜爲節度使

乾州

又日本唐之奉天縣也唐末李茂貞建之爲州後唐因之不改

隴州

元和郡縣圖曰隴州汧陽郡禹貢雍州之域秦文公所都漢爲汧縣屬右扶風

禹貢曰道汧及岐至于荆山說文曰隴天水大坂名也

三秦記俗歌曰隴頭流水鳴聲嗚咽遙望秦州汧陽斷絕又曰隴渭西關也其坂九迴不知高幾許欲上者七日乃得越

漢志曰隴屬右扶風卽今之汧陽縣

邠州

元和郡縣圖曰邠州新平郡禹貢雍州之域公劉所居之地秦爲內史地漢爲右扶風本作豳字開元中以豳與豳字相涉改爲邠

漢志柁邑屬右扶風有豳鄉詩豳圖公劉所都也左傳曰畢原豐郇文之昭也

十六國春秋曰符堅時新平人王雕陳圖讖王猛以爲左道感衆勸堅誅之雕臨刑上疏曰臣師劉湛明於圖記謂臣曰新平應出帝王寶器願陛下志之後果獲玉器焉

十道志曰宜祿縣本漢鶉觚縣後魏又分置東陰盤縣
周地圖記曰秦使蒙恬北築長城又於北原築城以觚奠
酒而祭有鶉飛止觚上因以名縣今有鶉觚原

元和郡縣圖曰新平本漢漆縣

後漢書曰建武八年隗囂攻略陽上至漆進止未定會馬
援夜至上喜問之援聚米以爲山谷於上前指軍所從入
上笑曰虜在吾目中矣

涇州

元和郡縣圖曰涇州安定郡禹貢雍州之域春秋時屬秦
始皇時屬北地郡漢置安定郡

宋永初山川記曰安定處山谷之間昆戎舊壤迫近夷狄
修習武備人皆以馳射爲事

國語曰周恭王遊於涇上密康公從有二女奔之其母曰

必致之於王夫獸三爲群人三爲衆女三爲祭美之物也
衆以美物歸汝而何德以堪王猶不堪況汝小醜備物終
必亡康公不獻王王滅密地有陰密城

詩大雅曰密人不恭敢拒大邦

寧州

元和郡縣圖曰寧州彭原郡禹貢雍州之域當夏之衰公
劉邑焉周時爲義渠戎王國至秦昭王殺義渠戎王併其
地始皇時爲北地郡漢因之

漢志曰泥陽屬北平郡莽曰泥陰應劭曰泥水出郁郅北

蠻中

十道志後漢改泥陽爲富平後魏又改定平

又曰義渠道屬北郡莽曰義溝

漢書曰夏道衰而公劉失其稷官變于西戎邑于邠至秦
繆公得由余西戎八國服於秦梁山涇漆之北有義渠氏

六子御覽 卷一百六十四 十
响衍之戎築城郭以居秦稍蠶食至於惠王遂拔義渠二
十五城秦昭王殺義渠戎王於是秦有北地隴西上郡之
地

慶州

元和郡縣圖曰慶州順化郡禹貢雍州之域古西戎地夏
稷子不窋居之今有不窋故城在焉春秋時義渠戎王國
始皇時北地郡
漢志曰郁郅屬北地郡有牧師苑官莽曰功著
周地圖記曰郁郅城今名尉季城在白馬嶺兩川交口水
經曰尉季亦曰不窋疑郁郅之訛也
十道志曰樂蟠縣本漢略畔道也
漢志曰略畔道莽曰延年道有略畔山俗呼曰洛盤音訛
耳

元和郡縣圖曰原州平涼郡禹貢雍州之域春秋時地屬
秦始皇時屬北地郡漢為安定郡
漢志曰高平屬安定郡莽曰鋪陸
班固安豐戴侯頌曰高平第一帝臨我師
漢書曰漢文十四年匈奴入蕭關殺北地都尉
十道志曰蕭關在原州後漢書曰隗囂使牛邯守瓦亭關
十道志曰瓦亭在平涼郡

元和郡縣圖曰靈州靈武郡禹貢雍州之域春秋戰國屬
秦秦併天下為北地郡漢高為富平縣地
漢志曰靈武屬北地郡曰威武惠帝四年置靈州有河奇
苑號非苑師古曰水中可居曰洲此地在河洲隨水高下

未嘗淪沒故號靈州河奇二苑皆在焉

十道志曰靈州有赫連勃勃所置果園水經云河水北有薄骨律鎮城在渚上舊赫連城也桑果榆林列植其上故謂之果州

圖經曰周宣政二年破陳將吳明徹遷其人於靈州江左之人崇禮好學習俗皆化因謂之塞北江南

鹽州

元和郡縣圖曰鹽州五原郡禹貢雍州之域春秋時戎狄地秦屬梁州漢置五原郡地有五原因而名之

史記曰梁山漆沮之北有義渠胸衍之戎即此地漢志曰馬嶺屬北地郡以川形似馬領故以為名

十道志曰馬嶺今鹽州地元和郡縣圖曰後魏為西安州以其有鹽池又改為鹽州

鄜州

十道志曰鄜州洛交郡禹貢雍州之域春秋時秦地始皇時為上郡漢為上郡雕陰縣地

史記曰秦文公畋于汧渭之間夢黃蛇首止鄜以為上帝之徵遂於鄜立鄜時祠白帝也

漢書云匈奴南侵至朝那膚施即此地也漢志曰雕陰屬上郡有雕陰山

坊州

元和郡縣圖曰坊州中部郡禹貢雍州之域春秋時翟國秦屬內史漢為右馮翊翟道縣之地符姚時特置杏城周置馬坊唐高祖因置坊州取馬坊為名

漢書曰朔方為西部都尉休屠為北部都尉搜渠為中部都尉。郡志曰城本三秦高奴之地翟道故城即今郡城

是也俗謂之高樓城

穆天子傳曰癸酉天子命駕八駿之駟造父為御翔行經
翟道昇於太行

元和郡縣圖曰宜君縣前秦符堅於襖襖縣故城置

延州

元和郡縣圖曰延州延安郡禹貢雍州之域春秋時白狄
所居秦漢屬上郡高奴之地項羽以董翳為翟王居高奴
即其地也

漢志曰膚施屬上郡有五龍山

水經曰渭水東經高奴水漢志高奴水合豐林水謂之清
水

丹州

元和郡縣圖曰丹州咸寧郡禹貢雍州之域春秋時為白

翟所居秦漢為上郡地

隋圖經集記曰義州蓋春秋時白翟也其俗語云丹州白
室即白翟語訛耳

綏州

元和郡縣圖曰綏州上郡禹貢雍州之域春秋白翟所居
七國時屬秦秦併天下為上郡漢初屬翟國後改為上郡
山海經曰上郡有疏屬二負之臣曰危與二負殺襄窳帝
楷之疏屬之山即此

銀州

元和郡縣圖曰銀州銀川郡禹貢雍州之域春秋時白翟
地秦為上郡漢為河西郡圜陰縣地

前漢志曰圜陰屬西河郡莽曰方陰師古曰圜字本作圓
縣在圓水之陰因以為名也今有銀川銀水即是舊名猶

存但字變耳

耆舊傳驄馬城即銀川城也符秦建元元年自驄馬城巡撫夷狄

麟州

元和郡縣圖曰禹貢雍州之域秦漢為雲中郡隋為勝州天寶中分勝州地置麟州

晉太康地志曰自北地郡北行九百里得五原塞即此地後漢光祿徐自為出五原塞數百里築城鄯列亭至盧朐山即今縣北光祿塞是也

夏州

元和郡縣圖曰夏州朔方郡禹貢雍州之域春秋及戰國時屬魏秦併天下屬上郡漢分置朔方郡詩曰王命南仲城彼朔方

漢書曰武帝元朔二年遣將軍衛青將兵擊匈奴出雲中至高關遂至符離收河南地置朔方五原郡符離漢北塞名十六國春秋曰赫連勃勃於朔方築大城既成下書曰今都城已建宜立美名朕方統一天下君臨萬國都城宜以統萬為名

酈元水經注統萬城勃勃蒸土所築又曰朔方縣有契吳山勃勃北遊登之歎曰美哉斯阜臨廣澤而帶清流吾行地多矣自馬嶺以北大河以南未有若此之善者也

漢書曰武帝收河南置朔方五原郡公孫弘數諫以為罷弊中國以奉無用之地使朱買臣等難弘發十策弘不得一由是城之自此為關中根柢

漢志曰朔方治窳渾莽曰溝搜窳渾有道西北出雞鹿塞

又曰三封屬朔方郡今長澤縣有三封故城

豐州

元和郡縣圖曰豐州九原郡禹貢雍州之域秦漢上郡地

勝州

元和郡縣圖曰勝州榆林郡禹貢雍州之域春秋時戎狄地戰國時晉趙地秦漢為雲中郡

秦本紀曰始皇十三年伐趙取雲中因以為郡

續漢書郡國志曰雲中郡領雲中咸陽箕陵沙陵南北興

武泉原陽定襄武進成樂十一縣

十道志曰遂城戰國時遂縣秦併天下為以十三州之故

以為地策萬世之常也

太平御覽卷第一百六十四

太平御覽卷第一百六十五

州郡部十一

隴右道

秦	渭	蘭	會
洮	岷	廓	豐
涼	甘	肅	瓜
伊	西	庭	沙
			鄯
			河

秦州

十道志曰秦州天水郡禹貢雍州之域古西戎地秦始封之邑秦為隴西郡漢武置天水郡

史記秦本紀曰周孝王時非子好馬及善畜養孝王曰昔柏翳為舜主畜多息故有土賜姓嬴今其後世亦為朕息馬遂分之地為附庸邑之秦使續嬴氏

太平御覽

卷一百六十五

漢志曰天水郡莽曰填戎明帝改曰漢陽
秦州記曰郡前有湖水冬夏無增減或說天水取名由此
湖也

漢志曰上邽屬隴西郡戎邑也又曰成紀清水並屬天水
郡莽清水曰識睦

輿地志曰石紐地名夏禹所生之地

續漢書郡國志曰成紀古帝庖犧氏所生之地

漢志曰略陽道屬天水郡十三州志曰略陽即故冀城也

又曰街泉戎邑道屬天水郡

續漢書地理志有街泉亭

渭州

十道志曰渭州隴西郡春秋及戰國時羌戎所居秦昭王
伐得義渠戎王始置隴西郡

禹貢曰導渭自鳥鼠同穴又曰終南敷物至于鳥鼠○漢
志獬道戎邑也屬天水郡即今隴西縣地獬堯
垣反
地道記曰漢陽有大坂名曰隴坻亦曰隴山郡處其西故
曰隴西其山堆旁崩聲聞數百里楊雄所謂響若坻類是
也

蘭州

十道志曰蘭州金城郡禹貢雍州之域古西戎地秦併天
下為隴西郡

後漢書西羌傳曰羌無弋援劍會孫忽留湟中忽子研立
研最豪健故羌中號其後為研種秦始皇時務併六國兵
不西行故羌人得蕃息及秦併天下築長城以界之衆羌
不復南渡漢與匈奴冒頓強盛臣伏諸羌景帝時研種留
何率人求守隴西於是徙留何於狄道

漢志曰狄道屬隴西郡以其地有狄種故云狄道
又曰浩亶水居西塞外東至允吾入湟水詩大雅曰鳧鷖
在亶亦其義也蘭州有浩亶故城浩亶音閣門
漢志曰金城郡領縣十三應劭曰初築城得金故曰金城
瓚曰金取其堅固也故墨子曰金城湯池

會州

十道志曰會州會寧郡禹貢雍州之域古西羌地秦併天
下屬隴西郡漢屬金城郡唐武德二年平李軌置西會貞
觀八年改爲會州

元和郡縣志曰後周太祖爲西魏相來巡會師於此因置
州爲名唐貞觀中亦爲粟州

河州

十道志曰河州安鄉郡禹貢雍州之域古西羌地秦併天

下爲隴西郡漢分置天水郡

漢志曰枹罕屬金城郡故罕羌侯邑也枹音鈇其字從木

禹貢曰道河積石至于龍門積石山在金城西南

西域傳曰河注蒲昌海潛行地下南出於積石山

洮州

十道志曰洮州臨洮郡禹貢雍州之域秦漢諸羌之地

漢志曰洮水出西羌中北至枹罕東入河沙

岷州

十道志曰岷州和政郡禹貢雍州之域六國時屬秦秦併

天下爲隴西之臨洮縣

史記曰蒙恬築長城起臨洮

廓州

十道志曰廓州寧塞郡禹貢雍州之域古西羌地

漢書曰宣帝時諸羌數背叛後將軍趙充國屯隴西羈縻之諸羌不敢動

後漢書段熲傳曰延熹中燒當煎河勒姐等八種羌寇隴西金城熲追討大破之明年燒河大豪寇張掖熲斬燒河大帥五千餘人西羌於是弭定

疊州

十道志曰疊州合川郡禹貢梁州之域歷秦漢魏晉為諸羌所據

後周書曰建德六年西逐諸戎始統有其地因置恒香郡尋改為疊州蓋以其地多山重疊以名郡也又於三交口築城置甘松防又為三川縣以隸恒香郡至建德元年改三川縣為常芬縣仍立芳州以邑隸焉取其地多芳草為郡之名

鄯州

十道志曰鄯州西平郡禹貢雍州之域古西戎之地漢志曰允吾屬金城郡今龍支縣即其地

涼州

十道志曰涼州武威郡禹貢雍州之域六國至秦戎狄月支居焉漢初為匈奴右地釋名曰西方寒凍或云河西土田薄故曰涼

晉書曰姑臧城匈奴所築舊蓋臧城語訛後云姑臧又曰惠帝末張軌求為涼州於是大城此地為一會府以據之號前涼後呂光復據之號後涼禹貢曰原隰底績至于猪野織皮崑崙析支渠搜西戎即敘

續漢書曰西羌自賜支以西濱河首左右居今河關西可

十餘里有河曲羌謂之賜支
異物志曰古渠搜國當大宛北界豬野今姑臧界豬野澤
是○劉昫燉煌實錄曰晉安帝隆安元年涼州牧李暠微
服出城逢虎道邊虎化爲人遙呼暠爲西涼君暠因彎弧
待之又遙呼暠曰有事告汝無疑也暠知其異投弓於地
人乃前曰燉煌空虛不是福地君之子孫王於西涼不如
徒酒泉言訖乃失暠乃移都酒泉
後漢書曰安帝時匈奴寇常山於是西北有事民飢民用
不足大將軍鄧騭欲棄涼州專務北邊曰譬若家人衣壞
敗一以相補猶有所完若不如此將兩無所保郎中虞詡
曰大將軍之策不可者三先帝闢境而今棄之不可一也
棄涼州卽以三輔爲塞園陵單外不可二也諺曰關西出
將關東出相烈士武臣多出涼州風土壯猛便習兵事今

羌所以不過三輔爲腹心害者以涼州在其後也

甘州

十道志曰甘州張掖郡禹貢雍州之域六國至秦戎狄日
支居焉漢爲匈奴右地

尙書禹貢曰道弱水至于合黎

十道志曰今張掖有合黎水

漢書西域傳曰月支本居祁連燉煌間霍去病傳曰濟居
延遂臻小月支祁連卽此道也

漢志曰張掖郡匈奴昆邪王地武帝時開之莽曰設屏應

劭曰張國臂掖故曰張掖也

又曰鑠得屬張掖郡有千金渠西至樂涇入澤中莽曰官
式涇音官
鑠音鹿

又曰刪丹屬張掖莽曰貫虜

肅州

十道志曰肅州酒泉郡禹貢雍州之域古西戎地月支所居漢為武威酒泉郡也

漢書曰武帝元狩二年昆邪王殺休屠王將其眾來降以其地為武威酒泉郡

又匈奴傳曰漢置酒泉郡以隔絕故與羌通路人西通月支大夏以公主妻烏孫王以分匈奴西方之援國其水甘若酒故名酒泉

後漢書曰班超久在西域年老思土上書曰臣不敢望到酒泉郡但願生入玉門關

長安二千八百五十里路

瓜州

十道志曰瓜州晉昌郡禹貢雍州之域古西戎地戰國時

烏孫月支居焉漢初為匈奴右地後為武威酒泉二郡

漢志曰冥安屬燉煌郡冥水出焉又名籍端水出羌中入澤冥安即晉昌地

又曰廣至宜禾都尉治昆侖障莽曰廣相即常樂地有宜禾故城

沙州

十道志曰沙州燉煌郡禹貢雍州之域古西戎地秦屬西戎漢置燉煌郡

左傳范宣子數戎子駒支曰昔秦人迫逐乃祖吾離于瓜州蒙犯荆棘以來歸我先君惠公有不腆之田與汝剖分

而食之

瓜州地在燉煌

漢書曰武帝元鼎六年分酒泉置燉煌郡徙人以實之

日燉大也燉盛也

又西域傳曰東則接漢扼以玉門陽關今壽昌有陽關及玉門故關

伊州

漢志曰燉煌郡龍勒縣有陽關玉門關

十道志曰伊吾郡本伊吾盧地在燉煌之北大磧之外南去玉門八百里

後漢書曰永平十六年明帝命將北征取伊吾盧地置宜禾都尉以屯田

又西羌傳曰伊吾地宜五穀桑麻蒲陶其北有柳中皆膏腴之地故漢與匈奴爭車師伊吾之地以制西戎

西州

十道志曰西州交河郡

漢書西域傳曰車師後王國有新道通玉門關戊己校尉

徐普欲開以省道里半避白龍堆之阨車師後王姑勾以道當為柱置即馳突出高昌壁入匈奴

庭州

後魏書曰以其地勢高峻人物昌盛因名高昌

十道志曰庭州雍州之外流沙之西北前漢烏孫舊地東與匈奴接歷代為胡虜所居

漢書西域傳曰貳師伐大宛之後西域諸國震懼自燉煌西至鹽澤往往起亭而輪臺渠黎多有田卒

後漢書曰班超將兵擊伊吾於蒲類海

華陽國志曰諸葛亮相蜀鑿石架空為飛梁閣道以通蜀漢即此郡
三國志曰鄧艾伐蜀自陰平縣景谷步劔閣道懸車束馬巡出油江而至大漢是此地也

蜀記曰梓潼縣有五婦山一名五婦臺秦遺蜀美女五人蜀遣五丁迎女至梓潼五丁踴地大呼驚五女並化為石郡國志曰梓潼縣北有華容水則蜀都賦曰却背華容是也

綿州

十道志曰緜州巴西郡禹貢梁州之域周併梁入雍州地春秋戰國屬蜀侯國秦為蜀郡漢廣漢郡地今州即廣漢郡之涪縣也
九州記曰綿州之寶郡人旋人皆夷也

郡國志曰寶人勁勇銳氣而善舞故古有巴渝舞
蜀記曰左綿緋紅三川所尚緜州左縣郡有小河新涿緋紅於此水濯後益鮮人之所重

宋書曰范柏年梓潼人明帝問卿鄉土有貪泉不柏年曰臣梁益之地有廉水讓水不聞有貪泉帝嘉之即以爲蜀郡太守廉讓水在昌期縣

郡縣志曰神泉縣有泉十四甘香異常錮疾飲之即差故曰神泉

漢書志曰涪屬廣漢郡有屏亭莽曰統睦劭曰涪水出廣漢南入漢

梓州

十道志曰梓州梓潼郡禹貢梁州之域漢武分置廣漢郡漢書曰文帝以蜀道銅山賜鄧通鑄錢即今銅山縣也

蜀志曰先主入蜀攻劉璋遣諸葛亮等分定州郡略地至
鄴百姓以牛酒勞軍又曰姜維聞諸葛瞻破乃引軍由廣
漢鄴道以審虛實

十道記曰廣漢之地有鹽井銅山之富本屬南夷周末秦
併為郡有蔬食果實之饒

九州要記曰玄武山一名赤雀山一名宜君山山有麈尾
入貢

又華陽國志曰玄武山一名三嵎山山出龍骨傳云龍昇
天不達墜此民取以入藥用玄武縣因山得名

遂州

十道志曰遂州遂寧郡禹貢梁州之域漢分梁州置廣漢
郡今州又為廣漢縣

九州要記曰青石縣有青石山天下青石無佳於此可為

鍾磬

又郡國志曰昔巴蜀爭界歷歲不決漢高八年山自裂如
索所界巴蜀之民懼天戒乃息所爭

益州

十道志曰益州成都府古梁州巴濮庸蜀之地在秦為漢
中巴蜀三郡地

釋名曰益扼也所在之地險阨
應劭地里風俗記曰疆壤益廣故號益州

史記曰周太王逾梁山之岐山一年成邑二年成都故有
成都之名

又曰秦惠王時甘蜀相攻各告急於秦秦欲先伐韓司馬
錯曰不如先伐蜀戎狄之長也有桀之亂以秦攻之譬使
豺狼逐群羊也又有禁止暴亂之名今攻韓周自知失九

鼎韓自知亡三川二國併力合謀而求解于楚魏臣竊危之王曰善遂滅蜀漢書曰宣帝時方士上言益州部有金馬碧雞神帝令王褒入蜀祀之

楊雄蜀王本紀曰蜀之先稱王者有蠶叢折灌魚易開明是時椎髻左衽不曉文字未有禮樂從開明已上至蠶叢凡四千歲次曰伯雍又次曰魚尾尾田於湔山得仙後有王曰杜宇出天墮山又有朱提氏女名曰利自江源而出爲宇妻乃自立爲蜀王號曰望帝移居郫邑十三州志曰當七國稱王獨杜宇稱帝於蜀以褒斜爲前門熊耳靈關爲後戶玉壘峨眉爲池澤汶山爲畜牧中南爲園苑時有荆人是後荆地有一死者名鼈冷其尸亡至汶山却更生見望帝帝以爲蜀相時巫山壅江蜀地洪水

望帝使鼈冷鑿巫山治水有功望帝自以德薄乃委國俗鼈冷號曰開明遂自亡去化爲子規故蜀人聞鳴曰我望帝也又云望帝使鼈冷治水而淫其妻冷還帝慙遂化爲子規杜宇死時適二月而子規鳴故蜀人聞之皆起自開明已下五葉始立宗廟時蜀有五丁力士能徙山岳每一王死五丁輒爲立大石以誌基今石井是也號曰井里成都記曰郡城即秦惠王使張儀築以象咸陽沃野千里號曰陸海九州志曰益州城初累築不立忽有大龜周行旋走因其行築之遂得堅固故曰龜城南史曰宋太始初益州市橋忽生一洲有道士柳石見之曰當有貴王臨州必王勝喜也及齊永明二年武帝遣始興王爲益州勝喜卽始興反語也

續漢書郡國志曰益州部漢中巴廣漢蜀犍爲越嶲犍
益永昌凡九郡
華陽國志曰成都夷里橋南岸道西有城卽錦城一曰錦
官又曰錦里
又曰蜀初少文教文翁爲蜀郡太守立精舍學堂以隸其
俗因是文教聿興今有文翁堂在大城內

漢州

圖經曰漢州德陽縣土地同益州秦屬蜀郡漢屬廣漢郡
後漢因之兼置益州領郡十二
蜀記曰益州謂之三蜀廣漢其一也
後漢書曰雒城南每陰雨常有哭聲和帝時陳寵爲太守
聞之有勅令收葬骸骨哭聲遂絕○蜀記曰金堂縣古有
金船沈江之東岸民於水中往往見之

彭州

十道志曰彭州濛陽郡本漢繁縣宋置晉壽陽圖經曰唐
垂拱二年以九隴縣置彭州取古天彭關以爲名
周地圖記曰宋元嘉九年有樵人逐麋所趨險絕進入石
穴行數十步豁然平博問是何所人荅云小成都後更往
求之不知所在
地理志曰九隴縣晉置以縣有九曲山爲名

蜀州

十道志曰蜀州唐安郡本漢江源縣屬蜀郡莽曰邛原
魏志曰蜀州鳴鶴山張陵客蜀學道于此山造作符書以
惑百姓又益州記張陵登仙之所傳云陵爲蝮蛇所吸人
以爲登仙

蜀記曰青州縣因山得名山上有黃帝授道壇

又玄中記云山有穴潛行分爲三道各通一處

邛州

十道志曰邛州臨邛郡禹貢梁州之域漢武置十三州在益州之部

周地圖記曰梁武陵王蕭紀於蒲水口改置邛州南郡邛來山因以爲名

史記曰蜀卓氏之先趙人秦破趙卓氏獨夫妻推輦而行曰吾聞汶山之下沃野有蹲鴟乃求遠遷致之臨邛因銅山鑄錢此也

蜀記曰漢張騫奉使尋河源得高節竹植於邛山號曰邛竹今緣山皆是可爲杖

蜀志曰臨邛有火井諸葛亮一窺更盛

博物志曰後人以家火投之火即滅至今不然

普州

十道志曰普州安岳郡禹貢梁州之域漢武十三州在益州之部今州境則漢之資中牛鞞墊江後漢之德陽等四縣

雅州

十道志曰雅州盧山郡禹貢梁州之域漢武十三州在益州之部即秦嚴道縣也

蜀記曰秦滅楚徙嚴王之族於此故謂之嚴道

漢志曰嚴道屬蜀郡邛來山邛水所出東入青衣莽曰嚴治

郡國志曰漢源縣有離崖即蜀守李冰所鑿按離即古雅也嚴道縣有九折坂即王陽迴轡之所

瀘州

十道志曰瀘州瀘川郡禹貢梁州之域春秋戰國時為郡子國秦屬巴郡漢屬犍為郡

漢志曰江陽屬犍為郡十道志曰瀘州本漢江陽縣地諸葛亮出師表曰五月渡瀘深入不毛

茂州

十道志曰茂州通化郡禹貢梁州之域本冉駹國漢以為郡

史記曰南越破後冉駹等皆震懼請臣置吏以冉駹為汶山郡守

翼州

圖經曰翼州臨翼郡秦之土地與益州同一漢屬蜀郡本漢之蠶陵也

漢志曰蠶陵屬蜀王莽曰步昌

當州

十道志曰當州江源郡禹貢梁州之域周為雍州之境

後周書曰天和元年鴈門公紇干略於此討渾胡因置同昌郡

悉州

十道志曰悉州歸誠郡禹貢梁州之域古西羌地

圖經曰唐顯慶三年割當州三十里左封縣界內有悉唐

川因立為悉州

靜州

圖經曰靜州靜川郡土地與當州同唐永徽四年置靜州

於唐縣以理夷落

拓州

圖經曰拓州蓬山郡土地與當州同唐顯慶三年於此置拓州取其開拓封疆為郡之名

圖經曰恭州化郡北接土蕃土地與當州同唐顯慶中置恭州取恭慕王化為名

十道志曰維州維川郡

蜀志曰姜維馬忠督將軍張嶷北討汶山叛羌即此也

圖經曰武德中白苟羌首領以地內附因於姜維故城置維州以領之

奉州

圖經曰奉州雲山郡本蠻夷之地南接土蕃為夷落之極塞武德中羌夷內附因立奉州取其順奉王命為名

嵩州

十道志曰嵩州越嵩郡本益州西外夷漢初為邛都國史記曰西南夷滇以北君長十數邛都最大

漢志曰越嵩郡武帝元鼎六年開莽曰集嵩屬益州應劭曰故邛都國也有嵩水言越以此水彰休盛也

九州要記曰嵩之西夷人身青而有文如龍鱗博物志曰越嵩國有牛稍割取肉經日必復生如故又玄中記曰割而復生名曰復牛

十道記曰越嵩有瀘水四時多瘴氣三四月間發人衝之立死非時中人多悶絕唯五月上伏即無害故諸葛亮征越嵩上疏曰五月渡瀘深入不毛

又地記曰昆明道渡所見有武侯道在

又十道記曰水浚而巉石土人以牛皮為船方涉津涘

九州要記曰臺登縣有奴諾川鸚鵡山黑水之間若水出

其下即黃帝子昌意降居若水是此
漢志曰旄牛屬蜀郡鮮水出徼外南入若水若水亦出徼

外南至大柞

旄牛即今臺登縣

姚州

十道志曰姚州雲南郡蓋夷越之地亦為滇王國漢武開
之置益州郡有滇池澤後因為益州之雲南弄棟二縣也
漢志曰益州郡武帝元封二年開莽曰就新故滇王國也
有滇池大澤又有弄棟縣焉

華陽國志曰滇漢勾町夜郎葉榆同師嵩堂侯王國以十
數編髮左衽隨畜遷徙莫能相禦楚頃襄王遣將軍莊躋
泝沅水出苴蘭以伐夜郎而秦奪楚黔中地無路得反遂
留王之是為莊王

黎州

圖經曰黎州洪源郡漢為沉黎郡宋齊以來並為沈黎郡
後周破羌夷立黎州

龍州

十道志曰龍州油江郡秦漢及魏不置郡縣

魏志曰景元四年諸軍征蜀鄧艾自陰平行無人之地七
百餘里鑿山通道造作橋閣山高谷深至為險難艾以羶
自裹轉推而下將士皆攀木緣崖魚貫而進先登至油江
即此地也

周地圖記曰油江帥楊李二姓各自稱蕃於梁至後魏武
帝得其地置油江郡西魏於此立龍州

松州

十道志曰松州交川郡禹貢梁州之域又為雍州之域秦

漢諸羌居焉

圖經曰郡有甘松嶺因以名郡

山海經曰甘松嶺亦謂之松桑嶺江水發源於此

江源記曰平康縣有羊腸嶺大江發源之所泉至於此

嘉州

十道志曰嘉州犍為郡禹貢梁州之域漢犍為郡之南安

縣

史記曰漢武使唐蒙伐西戎得夜郎國遂立犍為郡

漢志曰青衣屬蜀郡順帝改名漢嘉

十道志曰周武保定元年於此置青州遙取漢青衣縣為

名宣政二年改為嘉州

華陽國志曰青衣有沫水漢志蜀李冰鑿離堆避沫水之

害又益州記曰青衣神號雷堆廟班固以為離堆

益州記曰峩眉山兩山相對望之如峩眉

簡州

十道志曰簡州陽安郡禹貢梁州之域漢犍為之牛鞞縣地

華陽國志曰牛鞞縣有陽明井今在郡北十里九州要記

曰簡州在赤水之北今有絳水在州南

周地圖記曰晉義熙末刺史朱齡石率建平人征蜀仍於

東山立金戍後魏平蜀改為金水郡

陵州

十道志曰陵州仁壽郡禹貢梁州之域漢犍為郡之武陽

縣東境也

郡國志曰昔張陵於此得鹽井祠玉女於井內因謂之陵

井郡因井得名

益州記曰郡有東隅西隅南隅三山相對去陵井百里

太平御覽

卷一百六十六

十一

郡國志曰有鼎鼻山周之九鼎淪一於此故後人往往見鼎耳因名之

又曰郡有朝女山昔有朝祖女於此山得道今足跡尚有故名朝女山

十道志曰眉州

十道志曰眉州通義郡禹貢梁州之域犍爲郡之武陽南境

周地圖記曰梁武帝太清二年武陵王蕭紀開通外水立青州於通郡南安縣北後魏二年平蜀三年改青州爲眉

州因峩眉山爲名

蜀記曰秦惠王使張儀司馬錯伐蜀蜀主開明拒之不利退至武陽見獲彭山縣卽其地

郡國志曰青神縣當羌蜀之要漢武使唐蒙破西南夷卽

路始於此

榮州

十道志曰榮州和義郡禹貢梁州之域漢爲南安縣地屬犍爲郡

九州要記曰和義郡古夜郎之地有成都市漢武時南中令使通夔道無功唐蒙因殺之令曰恨不見成都市而死蒙卽立市如成都以殺之故曰成都市

益州記曰旭川縣有馬鳴戍漢刺史韋枚夜過此地有神馬嘶漢中馬皆嘶以應之故以此名戍

蜀記曰昔有女人於溪浣沙有大竹流水而觸之因有孕後生一子自立爲王因以竹爲姓漢武使唐蒙伐犍牶郡竹王因有此地人不忘其本立竹王廟祀之

資州

十道志曰資州資陽郡禹貢梁州之域漢為犍為郡之資中縣地

周地圖記曰後魏廢帝二年於武康郡之陽安縣置資州

陽安在今安州北簡州界

郡國志曰內江縣有水深百丈實郡川摠會之所

戎州

十道志曰戎州南溪郡春秋夔侯國秦惠王破滇池始通五尺道漢武得蜀故使唐蒙理道於此而破犍牻即此道也後為夔道縣以屬犍為郡

郡國志曰南溪縣西三十里有魚津津南有鴛鴦圻

益部耆舊傳曰夔道有張真者娶黃氏女名帛真因乘船過江船覆沒帛求夫尸不得自沈於水積十四日乃抱夫屍出於灘下故名鴛鴦圻 太平御覽卷第一百六十六

太平御覽卷第一百六十七

荆州郡十三

車下山南道上

荆州郡十三

荆州郡十三

荆州郡十三

荆州郡十三

荆州郡十三

十道志曰荆州江陵郡漢舊縣屬南郡

禹貢曰荆及衡陽惟荆州 此據荆山南及衡山之陽 江漢朝宗于海

經此州而入厥土惟塗泥厥田惟下中

春秋元命苞曰軫散為荆州分為楚國 荆之為言強也陽盛物墜其氣急悍

爾雅曰漢南曰荆州

周官職方氏曰正南曰荊州其鎮曰衡山其藪澤曰雲夢其川江漢其浸潁湛其利丹銀齒革
晉太康地記曰荊州於古蠻服之地
漢書曰臨江閔王榮坐侵廟墻地為官上徵榮榮行祖於江陵北門既上車軸折車廢江陵父老流涕言曰吾王不返矣王至詣中尉府郵都責訊王王恐自殺
漢書地理志曰今之南郡江夏零陵桂陽武陵長沙及漢中汝南郡盡楚分也

史記曰蘇秦說威王曰楚西有黔中巫郡東有夏州海陽陵南有洞庭蒼梧北有陘塞郟陽地方五千里帶甲百萬車千乘騎萬匹粟支十年此霸王之資也
淮南子曰楚地南卷沅湘北繞潁泗西苞巴蜀東裹郟郢潁汝以為洫江漢以為池垣之以鄧林綿之以方城山高

尋雲霓深谿肆無景

十三州志曰漢章帝建初二年徙鉅鹿王恭為江陵王三公上言江陵在京師正南不可以封乃徙為安陸王
盛弘之荊州記曰元嘉中以京師根本之所寄荆楚為重鎮上流之所摠擬周之分陝晉宋以降此為西陝
釋名曰荊州取名於荆山又曰荆警也南蠻數寇常置警備

左傳曰楚子西泝漢沂江將入郢王在渚官下見之
十道志曰當陽縣舊縣屬南郡廣陽思王子蓋之所封
荊州記曰當陽本楚之舊邑左氏傳云楚潘崇伐麇至于錫穴潁容釋例云麇在當陽

十道志曰公安縣漢孱陵縣地吳之南郡
荊州記曰劉備敗於襄陽南奔荊州吳大帝推為左將軍

荆州牧城北而鎮之時人號備為左公故名其城曰公安
古今地名曰松滋縣古鳩茲地漢屬廬江郡

峽州

十道志曰夷陵郡春秋戰國時並楚地秦置三十六郡屬
南郡魏武於此置臨江郡梁置宜州周武帝以州居三峽
之口改為峽州

史記曰秦昭王二十九年秦將白起攻楚燒夷陵

吳錄曰蜀昭烈皇帝立宜都郡於西陵

宜都記曰郡城即陸抗攻步闡於此

荆渚記曰夷陵郡居大江之上即西通全蜀故夷陵有安

蜀占城

吳志曰陸遜上疏夷陵要害實國家之關限若失之非損
一郡荆州亦可憂也

十道志曰宜都縣本漢夷縣屬南郡

表山松宜都山川記南崖有山名荆門北對崖有山名虎
牙故曰荆門虎牙即楚之西塞

歸州

十道志曰歸州巴東郡在周為夔子國屬楚秦併天下為
南郡之地漢置秭歸縣唐武德二年割夔州之秭歸巴東
二縣置歸州

表山松記曰屈原此縣人既被流放忽然暫歸其姊亦來

因名其地為秭歸秭與姊同

三國志曰吳置建平郡即宜都之西部也晉王濬自蜀江
沿流伐吳守將吾彥表皓曰請增建平兵若建平不下晉
師終不敢過皓不從

復州

十道志曰復州竟陵郡禹貢荊州之域春秋戰國時屬楚秦兼天下屬南郡漢十三州在荊州部卽江夏之竟陵縣地唐武德五年爲復州圖經曰監利縣漢華容縣乾溪章華臺在焉

秦山餘山曰郢州

十道志曰郢州富水郡歷代所屬與竟陵郡同二漢屬江夏郡晉宋以來爲竟陵郡地西魏屬安州後周武置郢州隋廢唐武德六年爲郢州郡國志曰長壽縣竟陵山春秋謂楚平王卒於櫛木之下卽此山也

秦山餘山曰鳳州

十道志曰鳳州河池郡土地所屬與金州同古秦隴西郡

地漢爲故道縣地故道今兩當縣是漢武改雍爲涼後爲涼州之地

水經曰兩當縣水出陳倉縣之大散嶺西南流入故道川謂之故道水縣因水取名或云縣西有兩山相當故名之華陽國志曰河池一名仇池

郭仲產秦州記云仇池山一名仇維山上有池似覆壺前志云是縣以山得名

水經曰大散水流入黃花川黃花縣因水得名

成州

十道志曰成州同谷郡禹貢梁州之域古西戎地周省梁入雍爲白馬氏國

史記西南夷傳曰自葶以東北君長數十冉駹爲大自冉駹以西北君長數十白馬最大皆氏類

後漢書河池一名仇池地方百頃左右悉白馬氏

武州

十道志曰武州武都郡土地所屬與成州同亦白馬氏之地

漢書曰西南夷傳曰漢誅且蘭邛君并殺菴侯冉駹等皆震懼請臣置吏以爲廣西部至元鼎六年以白馬氏地爲武都郡

隴右記曰武都紫水有泥其色紫而粘貢之用封璽書故詔誥有紫泥之美

郡國志曰武都沮水之西有角弩谷即蜀將姜維剿五部溪尤之所○魚豢魏略曰文帝黃初元年徙武都氏於美陽在今雍好時縣界武都故城是也

興州

十道志曰興州順政郡戰國時白馬氏之東境秦併天下爲蜀郡地漢武元鼎六年置武都郡
晉書曰懷帝永嘉中氏之人楊茂搜據武都郡子孫承嗣爲氏王

周地圖記曰郡有丙山山有穴即丙穴其口向丙因以爲名每春三月上旬有魚長八九寸或二三日聯綿從穴出躍相傳名爲嘉魚左太冲蜀都賦曰嘉魚出於丙穴

宕州

十道志曰宕州懷道郡禹貢梁州之域古羌地周爲雍州之境秦漢魏晉諸羌據之

後魏書曰梁彌忿者宕昌羌也其先常爲羌豪祖勒自稱宕昌王弥忿世祖初求內附遂拜彌忿爲宕昌王因封其地爲宕昌蕃

宕州今

扶州

十道志曰扶州同昌郡禹貢梁州之域實西戎之地周省
梁入雍為雍州地秦漢魏晉並屬蕃夷
後魏書曰廢帝前元年西逐吐谷渾定陰平於此置鄧州
及鄧寧郡取前羌部落所居為之名時又置怙夷縣屬封
統郡以戎夷寧怙為義也

周地圖記曰後魏廢帝置同昌縣屬封統郡

文州

十道志曰文州陰平郡禹貢梁州之域周為雍州之境戰
國時氏羌據焉漢武時開西南夷置陰平道以統其衆
蜀志曰鄧艾自陰平景谷步道懸兵束馬經油江出綿竹
華陽國志曰晉永平之後羌虜數叛遂立為郡以遏之
輿地志曰晉永嘉之末太守王鑿以郡降李雄晉人因是

頌 悉流移於蜀漢其氏羌並屬楊茂搜此後不復為正朔所

利州

十道志曰利州益昌郡土地所屬與金州同春秋戰國時
並屬蜀侯漢葭萌縣地

華陽國志曰昔蜀王封其弟於漢中號曰苴侯因命其地
曰葭萌苴侯與巴王通好巴與蜀為讎故蜀王怒伐苴苴
奔巴求救於秦秦乃伐蜀遂滅蜀及巴苴置巴蜀二郡
水經曰益昌有小劔城去大劔戍三十里連山絕險飛閣
通衢故謂之劔閣也

蜀志曰先主使陳戒絕馬鳴閣魏武聞之喜曰此閣過漢
中之陰平乃咽喉之要路

夔州

馬鳴閣在益昌縣

十道志曰夔州雲安郡春秋時為魚國秦併天下為巴郡地漢為魚復縣

左傳曰庸蠻叛楚楚莊王伐之七遇皆北唯裨儵魚人實逐之杜曰裨儵魚三巴今魚復縣也

漢志曰江關都尉理魚復有橘官

郡國記曰白帝城即公孫述至魚復有白龍出井中因號魚復為白帝城劉備因改魚復為永安又後漢書公孫述自以承漢土德故號曰白帝城

蜀志曰羅憲為領軍守永安聞魏軍平蜀三日哭於都亭荆州圖副曰永安官南一里渚下平磧上有諸葛孔明入陳圖聚細石為之各高五丈皆碁布相當中間相去九尺正中開南北巷悉廣五尺或為人散亂及為夏水所沒至冬水退依然如故

荆州記曰壘西聚石為八行行八聚謂之八陣圖因曰八陣既成自今行師不復敗後見莫能了之相宣武伐蜀見之曰此常山蛇勢也

十道志曰開州盛山郡本漢胸臆縣之地

圖經曰合州巴川郡秦漢屬巴郡宋置東宕渠郡西魏置合州

忠州

十道志曰忠州南賓郡土地所屬與夔州同譙周巴郡地記曰後漢獻帝初平六年臨江縣屬永寧郡建安中改永寧為巴東郡臨江仍屬焉續漢志曰和帝永元中分枳縣置平都縣

平都即今豐都縣也

史記蘇代曰楚得枳而國亡

萬州

十道志曰萬州南浦郡土地所屬與通州同漢為巴郡胸

臆縣地

續漢志曰胸臆屬巴郡

胸音蠢臆如尹切

尋江源記曰梁山東西數千里望之若長雲垂天劍閣銘

曰巖巖梁山積石峨峨

又曰景穴有嘉魚其味甚美景穴在梁山縣柏枝山

閬州

圖經曰閬州閬中郡禹貢梁州之域春秋為巴國之地秦

漢為巴郡

華陽國志曰巴子後理閬中

地形志曰閬中居蜀漢之半當東道要衝今郡城即古之

閬中城後謂之隆城是也

後魏典略曰此州古有隆城堅險因置隆州尋又立盤龍

郡以郡中有盤龍山為名

三巴記曰閬中有渝水賓民銳氣喜舞故高祖樂其猛銳

數觀其舞使樂人習之故樂府中有巴渝舞

果州

十道志曰果州南充郡禹貢梁州之域春秋戰國並屬巴

子國秦惠王滅巴蜀是為巴郡地自漢至晉為安漢縣

華陽國志漢曰獻帝初平元年劉璋分墊江上為巴郡理

此縣

周地圖記曰相如縣有相如坪相如故宅因以名縣○郡

國志曰馮緝為車騎將軍於此鑿崖十有餘處今果山有

車騎崖

益州記曰南充縣西有大昆井即古之鹽井也

唐書曰貞元中謝真人於郡紫極宮上昇萬目所覩郡郭是夕處處有虹霓雲氣

北魏

華陽國志曰魏晉時平元帝降詔令鑿山土為田縣民千田秦惠王越田晉益田縣民自耕其田晉益田縣民十田志曰果州南資縣有泉池之池春沐彈園並楓田

太平御覽卷第一百六十七 賦中言田賦

三田詩曰關中言儲水資其險深尋幾對高田樂其歸賦

渭川賦中言鹽池山為各

益州典經曰北魏古言到城邊創因置利代標又立鹽府

關中賦效關之利賦是也

